

“KDB BANK O‘ZBEKISTON” AJ
YURIDIK SHAXSLAR VA YAKKA TARTIBDAGI TADBIRKORLAR UCHUN BANK
HISOBVARAQLARINI YURITISH VA BANK OPERATSIYALARINI AMALGA
OSHIRISH SHARTLARI

(2026-yil 11 maydan o‘zgartirilgan va qo‘shimcha kiritilgan tahriri (Bank Boshqaruvining 2026-yil 1 maydagi IMB/LGD/HO/26/66-sonli Bayonnomasi))

1. Ta’riflar.

Bank – “KDB Bank O‘zbekiston” Aksiyadorlik Jamiyatining bosh ofis va filiallari.

Mijoz – quyidagi shakllardan biriga ega bo‘lgan tashkilot yoki shaxs: (i) tadbirkorlik faoliyati bilan shug‘ullanadigan, O‘zbekiston Respublikasi rezidenti bo‘lgan yuridik shaxs; (ii) norezident yuridik shaxs (tovar-xom ashyo birjalarining ochiq elektron savdolari ishtirokchisi, savdolardagi ishtiroki orqali aksiyalarni sotuvchi (sotib oluvchi) xorijiy investor), norezidentning O‘zbekiston Respublikasida faoliyat yurituvchi doimiy muassasasi, Norezidentga qarashli vakolatxona (diplomatik immunitet va imtiyozlardan foydalanadigan xalqaro tashkilot va uning filiali, diplomatik va boshqa rasmiy vakolatxona, shuningdek xorijiy tashkilotning O‘zbekiston Respublikasida akkreditatsiyadan o‘tgan vakolatxonasi); (iii) yakka tartibdagi tadbirkor, (iv) O‘zbekiston Respublikasi rezidenti bo‘lgan yuridik shaxsning vakolatxonasi va/yoki filiali (v) O‘zbekiston Respublikasi tijorat banklarida hisobvaraqlar ochish huquqiga ega bo‘lgan boshqa shakldagi korxonalar va xo‘jalik yurituvchi sub’ektlar;

Yuridik shaxslar va yakka tartibdagi tadbirkorlar uchun bank hisobvarag‘ini yuritish va bank operatsiyalarini amalga oshirish shartlari (keyingi o‘rinlarda “Shartlar” deb yuritiladi) – bank Boshqaruvi tomonidan tasdiqlangan va Bank hisobvarag‘i shartnomasining ajralmas qismi bo‘lgan ushbu hujjat, mijozning hisobvarag‘iga kelib tushgan pul mablag‘larini joylashtirish va hisobga olish shartlari, Mijozning hisobvarag‘idagi mablag‘larni tasarruf etish bo‘yicha ko‘rsatmalarning bajarilishi, Mijoz va Bankning ushbu harakatlar bilan bog‘liq huquq va majburiyatlari, bank xizmatlari uchun to‘lanadigan komissiyalar va boshqa shartlarni o‘z ichiga oladi. Agar Mijoz tadbirkorlik sub’ektlarini davlat ro‘yxatidan o‘tkazish va ro‘yxatga olishning avtomatlashtirilgan tizimida o‘rnatilgan Shartlarni qabul qilgan holda yoki bank tomonidan tasdiqlangan shaklda Bankka ariza berish orqali ushbu taklifni qabul qilmoqchi bo‘lsa, Bankning bank hisobvarag‘i shartnomasini tuzish taklifi bilan ushbu Shartlar bir vaqtning o‘zida oferta bo‘lib hisoblanadi.

Bank hisobvarag‘i shartnomasi (keyingi o‘rinlarda “Shartnoma” deb yuritiladi) – Bank va Mijoz o‘rtasida tuzilgan shartnoma bo‘lib, uni yozma ravishda imzolash yo‘li bilan tuziladi. Shartnoma ushbu Shartlar va Bank tariflarining majmui hisoblanadi.

Hisobvaraqlar – shartnoma tuzish natijasida Mijoz uchun (yoki uning nomiga) bankda ochilgan O‘zbekiston Respublikasi milliy valyutasida va/yoki chet el valyutasida talab qilib olinguncha depozit hisobvarag‘i (hisob-kitob yoki joriy hisobvaraqlar) va boshqa turdagi bank hisobvarag‘i.

Qonun hujjatlari – mazkur Shartlarga va Shartnomaga nisbatan qo‘llaniladigan O‘zbekiston Respublikasi qonun hujjatlari, shu jumladan qonunlar, qonunosti hujjatlari, O‘zbekiston Respublikasi Markaziy banki va boshqa davlat organlarining me‘yoriy hujjatlari.

Ichki nazorat qoidalari – “Tijorat banklarida jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg‘in qurolini tarqatishni moliyalashtirishga qarshi kurashish bo‘yicha ichki nazoratni amalga oshirish qoidalari” (regulyator tomonidan tasdiqlangan va O‘zbekiston Respublikasi Adliya vazirligi tomonidan ro‘yxatga olingan), shuningdek Bankda ichki nazoratni tashkil etish va amalga oshirishni tartibga soluvchi Bankning normativ hujjatlari hisoblanadi.

Mijozning lozim darajada tekshirilishi (keyingi o‘rinlarda “Lozim darajada tekshirish” yoki “Mijozingni bil” / “Know Your Customer”) – bu mijoz to‘g‘risidagi ma‘lumotlarni yig‘ish va o‘rganish

bo'yicha chora-tadbirlar majmui bo'lib, bunda: mijoz va uning vakillarini shaxsini tasdiqlash va tekshirish hamda mijozning ta'asischilari (jamiyat aksiyalarining kamida o'n foiziga ega bo'lgan aksiyadorlar, ishtirokchilar) tarkibini o'rganish, mijozning ustav fondining (kapitalining) 10 foizidan ortiq ulushlariga ega bo'lgan shaxslarni aniqlash; Mijozning Benefisiar Mulkdoriining shaxsini tasdiqlash, mijoz tomonidan amalga oshiriladigan biznes munosabatlari va moliyaviy operatsiyalarining maqsadlari va mohiyatini, shu jumladan pul mablag'lari manbai to'g'risidagi ma'lumotlarni olish va aniqlash, ularni Bankka taqdim etilgan hujjatlarga (ma'lumotlarga) muvofiqligini tekshirish ko'zda tutiladi. Bank amaldagi qonun hujjatlari, bank me'yoriy hujjatlari, ichki nazorat qoidalari talablariga muvofiq, shuningdek, O'zbekiston Respublikasining maxsus vakolatga ega davlat organining me'yoriy hujjatlari hamda Birlashgan Millatlar Tashkiloti Xavfsizlik Kengashi ("BMTXK"), Yevropa Ittifoqi ("YEI"), AQSh Departamentining Xorijiy aktivlarni nazorat qilish boshqarmasi tomonidan qabul qilingan sanksiya dasturlari ("OFAC"), Moliyaviy xizmatlar ("FSC"), Moliyaviy jinoyatlarga qarshi kurash agentligi ("FinCEN") va AQSh Savdo vazirligining Sanoat va xavfsizlik byurosi ("BIS") kabi tashkilotlar tomonidan qabul qilingan sanksiya dasturlari asosida Mijozni lozim darajada tekshiruvdan o'tkazadi.

Mijozni identifikatsiya qilish – mijozlarni o'rnatilgan tartibda tekshirish maqsadida ular taqdim etgan hujjatlar, ochiq manbalar va ma'lumotlar bazalarida mavjud bo'lgan qo'shimcha tasdiqlangan ma'lumotlar asosida mijozlar to'g'risidagi ma'lumotlarni Bank tomonidan aniqlanishi.

Lozim darajada tekshirish bo'yicha kuchaytirilgan choralar – yuqori xavf toifasiga kiruvchi Mijoz yoki Hisobvaraqlar operatsiyasiga nisbatan qo'llaniladigan chora-tadbirlar majmui bo'lib, o'z ichiga ochiq manbalar va ma'lumotlar bazalarida mavjud bo'lgan Mijoz to'g'risidagi qo'shimcha tasdiqlangan ma'lumotlarni to'plash va qayd etish; Mijozdan mablag'lari manbasi yoki tasarrufidagi boshqa mol-mulk to'g'risida ma'lumot olish; Hisobvaraqlar orqali rejalashtirilgan yoki amalga oshirilgan operatsiyalarning maqsadlarini o'rganish; Hisobvaraqlar orqali amalga oshirilgan operatsiyalar bo'yicha doimiy monitoring qilib borish kabilarni oladi.

O'zgartirishlar haqida ma'lumot: Boshqaruvning 2025-yil 17 oktabrdagi IMG/LGD/HO/25/125-sonli Bayonnomasiga binoan Shartlarining 1-bobi quyidagi "Sanksiyalar" ta'rifi bilan to'ldirilgan (o'zgartirishlar 2025-yil 3 noyabrdan kuchga kiradi).

Sanksiyalar – milliy hokimiyat organlari, xalqaro institutlar (masalan, Birlashgan Millatlar Tashkiloti) yoxud xorijiy davlatlarning tegishli organlari tomonidan joriy etiladigan moliyaviy, iqtisodiy yoki boshqa cheklovchi choralar bo'lib, ularning bevosita yoki bilvosita ta'siri ostida Bank o'z majburiyatlarini bajara olmasligi mumkin. Sanksiyalar (ya'ni cheklovlar, embargolar) muayyan davlatlar, iqtisodiy sektorlar, tashkilotlar, jismoniy shaxslar, tovarlar va xizmatlar turlariga nisbatan joriy etilishi mumkin. Milliy hokimiyat organlari tomonidan joriy etilgan cheklovchi choralarning talablariga rioya qilishdan tashqari, bank operatsiyalarini amalga oshirishda Bank o'zining (vakillik) hisobvaraqlari mavjud bo'lgan moliyaviy institutlar talablariga yoxud Bankning affillangan bo'linmalari joylashgan davlatlarning tegishli organlari tomonidan joriy etilgan cheklovchi choralarga muvofiq bank operatsiyalari amalga oshirilishini rad etishga qadar bo'lgan cheklovchi choralarni qo'llashi ham mumkin: "Vakillik hisobvaraqlari va bank hisobvaraqlariga nisbatan sanksiyalar qo'llaniladigan xorijiy moliyaviy institutlar ro'yxati", "Maxsus belgilangan shaxslar va bloklangan shaxslar ro'yxati" (SDN), "Sektoral sanksiyalar ro'yxati" (SSI) va AQSh Moliya vazirligining Xorijiy aktivlarni nazorat qilish idorasi (OFAC), BMT Xavfsizlik Kengashi va boshqalar tomonidan tasdiqlangan boshqa qarorlar.

Mijozning vakili – bu mijoz tomonidan berilgan ishonchnoma yoki shunga o'xshash boshqa hujjat asosida mijoz nomidan yoki uning manfaatlarini ko'zlab ish yurituvchi vakolatli shaxs.

Benefisiar mulkdor – bevosita yoki bilvosita egalik huquqiga ega bo'lgan yoki Mijozni nazorat qiladigan va uning manfaatlarini ko'zlab pul mablag'lari yoki boshqa mol-mulk bilan operatsiyalarni amalga oshiradigan shaxs.

Mijoz so'rovnomasi (Know Your Client (KYC) shakli) – Mijozni lozim darajada tekshirish jarayonida to'plangan mijoz to'g'risidagi ma'lumot.

Amaliyot kuni – bank ish kunining vaqt bilan chegaralangan qismi bo'lib, unda bank operatsiyalari, shuningdek, pul hisob-kitob hujjatlarini rasmiylashtirish va operatsiyalar bo'yicha buxgalteriya ma'lumotlarini tegishli tizimda aks ettirish ishlari amalga oshiriladi. Operatsiya kunining davomiyligi bank tomonidan taqdim etiladigan valyutalar va xizmat turlari bo'yicha hamda ushbu xizmatlarni

ko'rsatish jarayonida Mijozlar va Bank o'rtasidagi o'zaro aloqa kanallari nuqtai nazaridan ham belgilanishi mumkin. Operatsion kunning davomiyligi haqidagi ma'lumotlar "Internet Banking iDBA" tizimiga joylashtirish orqali Mijozlarga ma'lum qilinadi.

Ish kuni –bank ish faoliyatini amalga oshirish uchun ochiq bo'lgan kunlar.

Bank tariflari – Bank Boshqaruvi tomonidan tasdiqlangan va Rasmiy veb-saytida joylashtirilgan bank xizmatlari va mahsulotlari uchun belgilangan tariflar.

Rasmiy veb-sayt – Bankning Internetdagi quyidagi manzil bilan kiruvchi rasmiy veb sahifasi: <https://kdb.uz>.

2. Umumiy qoidalar.

- 2.1 Ushbu Shartlar standart bo'lib, O'zbekiston Respublikasi qonunchiligiga muvofiq Hisobvaraqa ochish va bank operatsiyalarini amalga oshirish bilan bog'liq Bank va Mijoz o'rtasidagi munosabatlarni tartibga soladi hamda Shartnomadagi har ikki tomon (keying o'rinlarda "Tomonlar") uchun ham majburiydir.
- 2.2 Hisobvaraqa ochish, qayta rasmiylashtirish, yopish, bank operatsiyalarini amalga oshirish va Hisobvaraqa bo'yicha bank operatsiyalarini amalga oshirganlik uchun Bank tomonidan haq (xizmatlar uchun belgilangan komissiya qiymati) undirish tartibi Qonun hujjatlari, Bankning normativ hujjatlari, Bank tariflari va ushbu Shartlar bilan belgilanadi.
- 2.3 Mijoz tomonidan Shartnomaning imzolanishi mijoz uchun quyidagilarni anglatadi:
 - ushbu Shartlar va Shartlarning barcha qoidalarini, shuningdek, Bank Tariflarini olgan, o'qib chiqqan va ular bilan rozi bo'lgan;
 - bank hisobvaraqlarini ochish, qayta rasmiylashtirish, yopish tartibini tartibga soluvchi qonun hujjatlari qoidalari bilan tanishib chiqqan;
 - hisob-kitob va kassa operatsiyalarini amalga oshirish tartibini tartibga soluvchi qonun hujjatlari qoidalari bilan tanishgan.
- 2.4 Mijozning tadbirkorlik sub'ektlarini¹ davlat ro'yxatidan o'tkazish va ro'yxatga olishning avtomatlashtirilgan tizimidan foydalangan holda Bankda bank hisobvarag'ini ochish uchun zarur bo'lgan harakatlarni amalga oshirishi Shartnoma shartlarini qabul qilganligini va Mijozning Shartnomani tuzish istagini bildiradi.
- 2.5 Bank ushbu Shartlarga bir tomonlama tartibda o'zgartirishlar kiritish va ularni yangi tahrirda tasdiqlash, shuningdek, tariflarni o'zgartirish va yangi tahrirda tasdiqlash huquqiga ega. Bunda Bank kiritilgan o'zgartirishlar kuchga kirishidan kamida 10 kalendar kuni avvalroq bu haqida o'z rasmiy veb-saytida, shuningdek Bank filiallaridagi axborot stendlarida tegishli ma'lumot joylashtirish orqali xabardor qilishi shart.
- 2.6 Ayrim bank xizmatlari hamda ular uchun belgilangan foiz stavkalari va tariflari alohida kelishuvlar va shartlar bilan tartibga solinishi mumkin, kelishmovchiliklar (tushunmovchiliklar) yuzaga kelgan taqdirda, ushbu alohida kelishuvlar va shartlar amal qiladi.
- 2.7 Hisobvaraqa yuritish va bank operatsiyalarini amalga oshirish bilan bog'liq barcha bank majburiyatlarini "KDB Bank O'zbekiston" AJ o'z zimmasiga oladi.

3. Hisobvaraqa ochish va yuritish.

- 3.1 Bank mijozga quyidagi hollarda hisobvaraqa ochadi:
 - barcha kerakli hujjatlar taqdim etilishi bilan bir qatorda Shartnoma imzolanganidan so'ng yoki
 - tadbirkorlik subyektlarini davlat ro'yxatidan o'tkazish va ro'yxatga olishning avtomatlashtirilgan tizimiga joylashtirilgan Shartlarning qabul qilinishi natijasida.

¹ Hisobvaraqa ochish uchun zarur bo'lgan hujjatlar ro'yxati Bankning rasmiy veb-saytida, shuningdek, Bank filiallaridagi ma'lumotlar taxtalarida joylashtirilgan.

- 3.2 Hisobvaraqa ochish uchun zarur bo'lgan hujjatlar ro'yxati Qonun hujjatlari va Bank me'yoriy hujjatlari talablariga muvofiq Bank tomonidan belgilanadi. Qonun hujjatlariga yoki Bankning ichki hujjatlariga o'zgartirishlar kiritilgan taqdirda, Bank Hisobvaraqa ochish va yuritish uchun zarur bo'lgan hujjatlar ro'yxatiga o'zgartirishlar kiritishga haqli. Hisobvaraqa ochish uchun zarur bo'lgan hujjatlar ro'yxati Bank rasmiy veb-saytida, shuningdek, Bank filiallaridagi axborot stendlarida e'lon qilib boriladi.
- 3.3 Hisobvaraqa ochish qonun hujjatlarida nazarda tutilgan muddatdan kechiktirilmagan holatda Mijoz lozim darajadagi tekshiruvdan muvaffaqiyatli o'tganidan so'ng amalga oshiriladi.
- 3.4 Bank quyidagi hollarda mijozga Hisobvaraqa ochishni rad etishga haqli:
- mijoz tomonidan hisobvaraqa ochish uchun qonun hujjatlarida va bank me'yoriy hujjatlarida nazarda tutilgan hujjatlarning to'liq to'plamini taqdim etmaslik;
 - mijoz tomonidan taqdim etilgan hujjatlardagi nomuvofiqliklar yoki noaniqliklarning aniqlanishi;
 - jinoyatdan olingan daromadlarni legallashtirishga, terrorizmni moliyalashtirishga va ommaviy qirg'in qurollarini tarqatishni moliyalashtirishga qarshi kurashish to'g'risidagi qonun hujjatlari va turli sanksiya dasturlariga muvofiq, shuningdek, "Xorijiy hisobvaraqlarni soliqqa tortish to'g'risida"gi (FATCA) AQSh qonuni bo'yicha o'rganilishi talab qilinadigan mijozlar ro'yxatiga kirgan taqdirda mijozning lozim darajada tekshirish uchun zarur bo'lgan hujjatlarni taqdim etmasligi;
 - agar Bankda operatsiyalarni to'xtatib turish to'g'risidagi qaror yoki Mijozning boshqa banklarda ochilgan Hisobvaraqlari bo'yicha operatsiyalarni to'xtatib turish to'g'risidagi ma'lumotlar mavjud bo'lsa, shuningdek, Bankda yangi Hisobvaraqlar ochishni taqiqlash to'g'risidagi ma'lumotlar mavjud bo'lsa;
 - agar mijozga nisbatan sanksiyalar qo'llanilgan bo'lsa yoki sanksiyalar qo'llanilishi xavfi mavjud bo'lsa;
 - qonun hujjatlarida belgilangan boshqa hollarda.

4. Korrespondentsiya.

O'zgartirishlar haqida ma'lumot: Boshqaruvning 2025-yil 17 oktabrdagi IMG/LGD/HO/25/125-sonli Bayonnomasiga binoan Shartlarining 4.1-bandi yangi tahrirda taqdim etilgan (o'zgartirishlar 2025-yil 3 noyabrdan kuchga kiradi).

- 4.1 Korrespondentsiya bu o'zaro aloqa bo'lib, hisobvaraqa orqali amalga oshirilgan kirim-chiqimlar bo'yicha ma'lumotnomadan ko'chirmalar va/yoki Hisobvaraqa oid boshqa ma'lumotlarni o'z ichiga oladi. Bank va Mijoz o'rtasida pochta qutisi ijarasi bo'yichashartnoma (keyingi o'rinlarda pochta qutisi ijarasi shartnomasi) mavjud bo'lgan taqdirda, Bank pochta qutisiga korrespondensiyani yoki yozishmalarni yuboradi. Bunda mas'uliyat va korrespondensiyani olmaslik bilan bog'liq barcha mumkin bo'lgan xavflar mijozning zimmasida bo'ladi.
- 4.2 Bank Mijozga Hisobvaraqa bo'yicha debet/kredit aylanmalari to'g'risidagi ma'lumotni mijozning so'rovi asosida belgilangan ma'lum bir davriy oraliq uchun ko'chirma shaklida taqdim etadi. Ko'chirmalarning davriy oraliq muddati istalgan vaqtda o'zgartirilishi mumkin. Ko'chirmalarning berilishi hisobvaraqa bo'yicha ma'lum bir bank operatsiyalari amalga oshirilganligini bildiradi.
- 4.3 Agar ko'chirmada to'lovni tasdiqlovchi rekvizitlar mavjud bo'lsa, Bank ko'chirmalarga hisobvaraqlar orqali pul mablag'larining kirim yoki chiqim qilinganligini tasdiqlovchi maxsus ilova taqdim qilish majburiyatini olmaydi.
- 4.4 Qog'oz shaklda taqdim etiladigan ko'chirmalar mijozning so'rovi asosida shakllantiriladi, maxsus blankada chop etiladi, Bank vakolatli shaxs(lar)ining imzosini talab qilmaydi va Bank muhri bilan tasdiqlanmaydi, biroq ayni paytda muayyan operatsiya(lar)ni tasdiqlaydi. Mijozning alohida yozma arizasi asosida Bank tomonidan qog'oz shaklda taqdim etiladigan ko'chirmalar vakolatli shaxsning imzosi va Bank muhri bilan tasdiqlanishi mumkin.

- 4.5 Hisobvaraқ bo'yicha ko'chirmalar ko'chirmalarni olish huquqiga ega bo'lgan shaxslargagina berilishi mumkin (masalan, imzo kartasida ko'rsatilgan shaxslar, mijozning ishonchnoma asosidagi vakili yoki vakillari).
- 4.6 Mijoz bankdan olingan korrespondensiyani darhol tekshirishi zarur. Mijoz qandaydir xatoliklarni va/yoki amalga oshirilgan operatsiyalar bo'yicha kamchiliklar mavjudligini aniqlasa, bu haqida zudlik bilan Bankni xabardor qilishi shart.
- 4.7 Agar Mijoz Bankdan qabul qilib olingan korrespondensiya bo'yicha Bank tomonidan yuborilgan kundan boshlab 7 (yetti) kalendar kuni davomida Bankka hech qanday qarshilik bildirmasa, mijoz korrespondensiya va uning mazmunini ma'qullagan deb hisoblanadi.

5. Hisobvaraқni yuritish.

- 5.1 Mijoz Hisobvaraқdan qonun hujjatlari va ushbu Shartlar talablariga muvofiq bank operatsiyalarini amalga oshirish uchun foydalanadi.
- 5.2 Hisobvaraқni yuritish Bankka yozma ko'rsatmalar berish orqali rekvizitlari va imzolari Mijoz tomonidan o'rnatilgan tartibda rasmiylashtirilgan va Bankka taqdim qilingan, Mijozning imzo namunalari va muhrini o'z ichiga oladigan maxsus kartaga (keyingi o'rinlarda "Imzo namunalari kartasi") kiritilgan shaxslar tomonidagina amalga oshirilishi mumkin. Hisobvaraқni yuritish bo'yicha yozma ko'rsatmalar, Mijoz tomonidan tasdiqlangan maxsus blankalarda (agar shunday blankalar mavjud bo'lsa) taqdim qilinishi zarur. Vakolatli shaxslarning imzolari bankka taqdim etilgan imzo namunalari kartasidagi imzolarga o'zaro mos kelishi va albatta shaxsan imzolangan bo'lishi kerak.
- 5.3 Tadbirkorlik subyektlarini ² davlat ro'yxatidan o'tkazish va ro'yxatga olishning avtomatlashtirilgan tizimi orqali ochilgan hisobvaraқni yuritish Bankka ikki nusxada imzo namunalari kartasi, shuningdek Mijoz nomidan pul hisob-kitob hujjatlarini imzolash vakolatiga ega vakolatli shaxsning shaxsini tasdiqlovchi hujjat (pasport yoki uning o'rnini bosuvchi boshqa hujjat) asl nusxasi taqdim etilganidan keyingina amalga oshirilishi mumkin.
- 5.4 Hisobvaraқni yuritish, agar Bankning masofaviy bank tizimlaridan (masalan, "Internet Banking iDBA" tizimi) foydalanishda Bank va Mijoz o'rtasidagi munosabatlarni tartibga soluvchi tegishli kelishuv mavjud bo'lsa, elektron shaklda ko'rsatmalar (yo'riqnomalar) taqdim etish orqali ham amalga oshirilishi mumkin.

6. Hisobvaraқ bo'yicha operatsiyalarni amalga oshirish tartibi.

- 6.1 Bank quyidagilarni ijro uchun qabul qilmaydi:
- to'ldirilmagan yoki mijoz tomonidan imzolanmagan yoki qonun hujjatlarida nazarda tutilgan ma'lumotlarni o'z ichiga olmagan to'lov hujjatlari;
 - tuzatishlarni o'z ichiga olgan to'lov hujjatlari;
 - Mijozning lozim darajadagi tekshiruvdan o'tmagan topshiriqnomalar (ko'rsatmalar) bo'yicha to'lov hujjatlari;
 - qonun hujjatlarini buzilishiga olib keladigan operatsiyalarni amalga oshirish to'g'risidagi ko'rsatmalar, shuningdek qonun hujjatlarida va Bankning normativ hujjatlarida nazarda tutilgan boshqa hollarda. Bank bunday ko'rsatmalarning rad qilinishi ortidan vujudga keladigan yoki kelishi mumkin bo'lgan zarar va yo'qotishlar uchun javobgar bo'lmaydi.
- 6.2 Mijoz Bankka hisobvaraқ bo'yicha operatsiyalarni amalga oshirish, Hisobvaraқ bo'yicha xizmat ko'rsatishning to'g'ri yo'lga qo'yilishi, shuningdek, qonunchilik hujjatlari bilan Bank zimmasiga yuklangan boshqa funksiyalarni bajarish uchun kerak bo'lgan barcha zarur hujjatlar va

² Hisobvaraқ ochish uchun zarur bo'lgan hujjatlar ro'yxati Bankning rasmiy veb-saytida, shuningdek, Bank filiallaridagi ma'lumotlar taxtalarida joylashtirilgan.

ma'lumotlarni o'z vaqtida taqdim etish majburiyatini oladi. Bunday hujjatlar va ma'lumotlar aniq, to'liq va ishonchli bo'lishi lozim.

- 6.3 Mijoz sanksiyalar dasturlariga kiritilgan shaxslar bilan o'z faoliyatini amalga oshirmaslik majburiyatini oladi. Tegishli banklar tomonidan mablag'lar muzlatilgan yoki bloklangan taqdirda, Mijoz qonun hujjatlarida belgilangan tartibda tegishli ruxsatnomalar/litsenziyalar olish yo'li bilan yuzaga kelgan vaziyatni hal qilish uchun to'liq javobgar bo'ladi.
- 6.4 Bank korrespondentlar, subagentlar va boshqa uchinchi shaxslarning kamchiliklari va xatolari sababli, shu jumladan uchinchi shaxslarning noto'g'ri harakatlari yoki umuman harakatsizligi tufayli Shartnoma bo'yicha o'z majburiyatlarining bajarilmaganligi yoki nomuvofiq bajarilganligi uchun, agarda bu majburiyatlarni bajarishda zaruriy ehtiyotkorlik bilan harakat qilganini isbotlay olsa, javobgar bo'lmaydi.
- 6.5 Bank jinoyatdan olingan daromadlarni legallashtirishga, terrorizmni moliyalashtirishga va ommaviy qurollarni tarqatishni moliyalashtirishga qarshi kurashish to'g'risidagi qonun hujjatlari talablarini bajarish maqsadida mijozning hisobvarag'i bo'yicha operatsiyalar ustidan tegishli choralar ko'rishga haqli.
- 6.6 Bank qonun hujjatlariga muvofiq Mijozdan u tomonidan amalga oshirilgan operatsiyalarning asoslilikini va qonuniyligini tasdiqlovchi har qanday hujjatlarni, shu jumladan jinoyatdan olingan daromadlarni legallashtirishga, terrorizmni va ommaviy qirg'in qurollarini tarqatishni moliyalashtirishga qarshi ishlab chiqilgan qonun hujjatlariga muvofiq, Mijoz tomonidan amalga oshirilgan yoki oshirilayotgan yirik ahamiyatga molik harakatlar yuzasidan, shuningdek, turli sanksiya dasturlari va yoki "Xorijiy hisobvaraqlarni soliqqa tortish to'g'risida"gi (FATCA) AQSh qonuni bo'yicha o'rganilishi talab qilinadigan mijozlar ro'yxatiga kirgan taqdirda mijozni o'rganish uchun maxsus nazoratga olinadigan moliyaviy operatsiya(lar)ni o'rganish va ro'yxatdan o'tkazish uchun zarur bo'lgan hujjatlarni talab qilishga haqli. Bunday hujjatlar taqdim etilmagan taqdirda, Bank Mijozning hisob-kitob operatsiyalarini amalga oshirishni rad etishga haqli, bu haqda to'lov bo'yicha ko'rsatmalar olinganidan so'ng, keyingi ish kunidan kechiktirmagan holatda mijozni xabardor qilishi shart.
- 6.7 Bank mijozga hisobvaraqlar bo'yicha xizmatlarni va/yoki kassa xizmatlarini ko'rsatishda qonun hujjatlari va ushbu Shartlarga muvofiq o'z vakolatlari doirasida tashqi savdo shartnomalari va invoyslarning bajarilishi ustidan tegishli nazoratni ta'minlash maqsadida monitoring funksiyalarini amalga oshiradi.
- 6.8 Agar Bank Hisobvaraqlar orqali amalga oshirilgan operatsiyalarda o'zi tomonidan yo'l qo'yilgan xatolikni aniqlasa, Bank bu haqda Mijozni darhol xabardor qilishi shart. Bank mijozning oldindan roziligisiz hisob-kitoblarga tuzatishlar kiritishga haqli. Bu kabi xatoliklarni tuzatilishu natijasida yuzaga kelgan zararlar uchun Bank javob bermaydi, bunda Bankning qo'pol beparvoligi natijasida yuzaga kelgan holatlar mustasno.

7. Hisobvaraqlar bo'yicha operatsiyalar.

- 7.1 Shartnoma doirasida Bank quyidagi faoliyatlarni amalga oshiradi:
 - a) mijozning hisobvarag'iga kelib tushgan pul mablag'larini qabul qiladi va kirim qiladi.
 - b) mijozning ko'rsatmalariga muvofiq Hisobvaraqlardagi qoldiq doirasida to'lovlar va pul o'tkazmalarini amalga oshiradi. Tegishli Hisobvaraqlarda pul mablag'lari yetarli bo'lmagan taqdirda, Bank Mijozning to'lov hujjatini rasmiylashtirishni rad etishga haqli.
 - c) Mijozning hisobvarag'i bilan bog'liq Qonun hujjatlarida yoki ushbu Shartlarda nazarda tutilgan boshqa bank operatsiyalari va funksiyalarini amalga oshiradi;
 - d) mijozning iltimosiga ko'ra, unga tegishli hisobvaraqlar bo'yicha amalga oshirilgan operatsiyalar to'g'risida xabardor qiladi.

- 7.2 Hisobvaraqq bo'yicha operatsiyalar, agar mijoz bilan boshqacha kelishuv bo'lmasa yoki qonun hujjatlarida va ushbu Shartlarda nazarda tutilmagan bo'lsa, amaliyot kuni davomida amalga oshiriladi.

Hisobvaraqqdan pul mablag'larini chiqarish.

- 7.3 Bank qabul qilib olingan to'lov hujjatlari asosida Mijozning topshiriqnomasi (ko'rsatmasi) bo'yicha tegishli hisobvaraqqdan pul mablag'lari yechilishini ta'minlaydi. Bunda Bank tomonidan hisobvaraqqga yanglishmovchilik yoki noto'g'ri kirim qilingan pul mablag'lari aniqlanishi oqibatida bu mablag'larning hisobdan chiqarish hollari mustasno.
- 7.4 Hisobvaraqqdan pul mablag'larining chiqarilishi faqat Mijozning roziligi bilan amalga oshiriladi, qonun hujjatlarida va ushbu Shartlarda nazarda tutilgan ayrim hollar bundan mustasno. Shu bilan bir qatorda, Bank bunday hisobvaraqqdan chiqarishlar natijasida Mijoz tomonidan yetkazilgan har qanday zarar yoki boshqa yo'qotishlar uchun javobgarlikni o'z zimmasiga olmaydi.
- 7.5 Mijozning hisobvarag'idan pul mablag'larini o'tkazish va naqd pulni yechib olish mijozning hisobvarag'idagi mavjud qoldiq doirasida amalga oshiriladi. "Mavjud qoldiq" - mijozning Hisobvarag'idagi bo'sh pul mablag'lari, ular hisobvaraqq bo'yicha bank operatsiyasini amalga oshirish vaqtida muzlatish, talablar, yuklamalar va boshqa cheklovlarga uchramaydi. Mijozning hisobvarag'ida pul mablag'i yetarli bo'lmasa, Bank mijozning topshiriqnomasini (ko'rsatmasini) bajarishni rad etishga haqli. Bank Mijozning to'lovni qisman amalga oshirish bo'yicha topshiriqnomalarini (ko'rsatmalari) o'tkazmaslik huquqiga ega.
- 7.6 Mijozning hisobvarag'ida yetarli pul mablag'i mavjud bo'lgan taqdirda, agar Bank va Mijoz o'rtasida boshqacha tartib belgilanmagan bo'lsa, mablag'larning hisobvaraqqdan chiqarilishi Bankka topshiriqlar (ko'rsatmalar) kelib tushishi tartibida amalga oshiriladi.
- 7.7 Qonun hujjatlari talablariga asosan uchinchi shaxslarning to'lov talabnomalari va inkasso topshiriqnomalari Bank tomonidan akseptsiz (agar qonun hujjatlarida nazarda tutilgan bo'lsa yoki Bank va Mijoz o'rtasida o'zaro kelishilgan bo'lsa) ravishda ijro uchun qabul qilinadi.
- 7.8 Uchinchi shaxslarning to'lov talabnomalari yoki inkasso topshiriqnomalari bo'yicha to'lovlarni amalga oshirish uchun hisobvaraqqda yetarli pul mablag'lari bo'lmasa, u holda Bank qonun hujjatlarida belgilangan tartibda ish tutadi.
- 7.9 Bank Mijozning buyrug'i (ko'rsatmasi)siz Bank Tariflariga muvofiq Bank tomonidan ko'rsatilgan operatsiyalar va xizmatlar uchun Bankka to'lanadigan haq miqdorini tegishli Hisobvaraqqdan yechib olish huquqiga ega.
- 7.10 Qonun hujjatlarida va Bankning me'yoriy hujjatlarida, shuningdek, ichki nazorat qoidalarida nazarda tutilgan hollarda Bank Mijozning hisobvaraqqdan pul chiqarish bo'yicha ko'rsatmasi (buyurug'i)ni rad etishga haqli.

Hisobvaraqqga pul mablag'larini kiritish.

- 7.11 Bank Mijozning hisobvarag'iga naqd bo'lmagan shaklda yoki Bank kassasi orqali naqd shaklda kelib tushgan pul mablag'larini Qonun hujjatlarida va Bank me'yoriy hujjatlarida belgilangan tartibda kirim qiladi.
- 7.12 Mijozning hisobvarag'iga Mijoz tomonidan kutilmagan yoki kelib tushmasligi kerak bo'lgan mablag'lar kirim qilingan taqdirda, Mijoz bu haqda bankka kirim qilingan kundan boshlab 3 (uch) ish kunidan kechiktirmagan holda xabar berishi shart.
- 7.13 Hisobvaraqq bo'yicha hisoblangan foiz to'lovlarni o'tkazish Bank va Mijoz o'rtasidagi alohida ma'lum bir shartnoma bo'yicha amalga oshiriladi. Hisobvaraqq bo'yicha hisoblangan foiz to'lovlarning kirim qilinishi Bank Tariflariga muvofiq amalga oshiriladi.

7.14 Qonun hujjatlarida va Bankning me'yoriy hujjatlarida, shuningdek, ichki nazorat qoidalarida nazarda tutilgan hollarda Bank Mijozning hisobvarag'iga naqd bo'lmagan shaklda yoki Bank kassasi orqali naqd shaklda kelib tushgan pul mablag'larini kirim qilinishini rad etishga haqli.

8. Hisobvaraqlar bo'yicha operatsiyalarni amalga oshirish muddatlari.

8.1 Mijozning O'zbekiston Respublikasi milliy valyutasidagi qog'ozda Amaliyot kunida ijroga qabul qilingan buyurtmalari/ko'rsatmalari Bank tomonidan ular olingan kunida bajariladi (valyuta muddati kechiktirilgan buyurtmalar/ko'rsatmalar bundan mustasno).

8.2 Mijozning "Internet-banking iDBA" tizimi orqali elektron shaklda jo'natilgan ("ANOR" to'lov tizimini tanlagan holda) va amaliyot kuni yakunlanganidan so'ng qabul qilingan O'zbekiston Respublikasi milliy valyutasidagi topshiriqnomalari/ko'rsatmalari Bank tomonidan keyingi amaliyot kundan kechiktirmagan holda bajariladi (bunda muddati kechiktirilgan to'lov topshiriqnomalaridan mustasno).

8.3 Mijoz tomonidan Bankning ishlaydigan kunlarida "Internet Banking iDBA" tizimi ("ANOR" to'lov tizimini tanlagan holda) orqali elektron shaklda O'zbekiston Respublikasi milliy valyutasida yuborilgan topshiriqnomalar/ko'rsatmalar Bank tomonidan Yagona korrespondent hisobraqamlar bilan hisob-kitob markazi ochilgan amaliyot kunida, keying amaliyot kundan kechiktirmagan holatda bajariladi (muddati kechiktirilgan to'lov topshiriqnomalari bundan mustasno).

8.4 Xorijiy valyutadagi topshiriqnomalar/ko'rsatmalar, Mijoz lozim darajadagi tekshiruvdan muvaffaqiyatli o'tganidan so'ng, qabul qilingan kundan boshlab ikki ish kundan kechiktirmagan holda Bank tomonidan bajariladi. Xorijiy valyutada pul o'tkazish to'g'risidagi ariza va/yoki konvertatsiya qilish to'g'risidagi ariza kontragent banklarning ish jadvaliga muvofiq, shuningdek xorijiy valyuta amal qiladigan mamlakatda belgilangan dam olish va bayram kunlarini inobatga olgan holda rasmiylashtiriladi.

8.5 Bank Mijozning naqd pul mablag'larini Bank kassasi orqali kassaning ish vaqtiga muvofiq amaliyot kuni davomida qabul qiladi va shu kunning o'zida Mijozning Bankda ochilgan hisobvarag'iga o'tkazadi. Bank Mijozning hisobvarag'iga kiritilgan naqd pul mablag'larini, agar mijozning iltimosiga ko'ra bunday o'tkazma amalga oshirilgan bo'lsa, keyingi Bitim kundan kechiktirmay Mijozning boshqa bankdagi hisob raqamiga o'tkazadi. Dam olish va bayram kunlarida inkasso xizmati orqali Bank kassasiga naqd pul mablag'lari qabul qilingan taqdirda, Bank bu mablag'larni keyingi amaliyot kundan kechiktirmagan holda Mijozning tegishli hisobvarag'iga tushirib beradi. Bank milliy valyutadagi naqdsiz shaklda kelib tushgan pul mablag'larini Mijozning tegishli hisobvarag'iga o'sha amaliyot kunining o'zida kirim qiladi.

8.6 Xorijiy valyutada kelib tushgan pulmablag'lari Mijozning Tegishli hisobvarag'iga uning lozim darajadagi tekshiruvdan muvaffaqiyatli o'tganidan so'ng, amaliyot kuni davomida quyidagi vaqtlarda kirim qilinadi:

- mijozning Bankda ochilgan boshqa hisobvaraqlaridan kelib tushgan pul mablag'lari – amaliyot kuni davomida;
- Korrespondent banklarning to'lov topshiriqnomalari asosida SWIFT tarmo'gi orqali kelish tushgan pul mablag'lari Mijozning tegishli hisobvarag'iga keyingi ish kundan kechiktirmagan holatda o'tkazib beriladi.

9. Abonent qutisi.

9.1 Agar abonent qutisini ijaraga olish shartnomasi mavjud bo'lsa, Bank mijozga bankdan xat-xabarlarini olishda foydalanish uchun abonent qutisi (keyingi o'rinlarda "Abonent qutisi"deb yuritiladi) ajratadi. Bank mijozga Abonent qutisini ijara shartnomasida ko'rsatilgan manzilda va bank binosiga kirish uchun belgilangan ish kunlari va vaqti davomida foydalanilishini ta'minlaydi.

- 9.2 Bank Mijozga Abonent qutisining kalitini belgilangan depozit evaziga taqdim etadi, bu depozit Abonent qutisining kaliti Bankka qaytarilgandan so'ng, Bank tomonidan qaytariladi. Kalitning boshqa nusxalari Bankda saqlanadi, Mijoz kalitni uchinchi shaxs(lar)ga bermasligi kerak.
- 9.3 Mijoz Abonent qutisidan faqatgina belgilangan maqsadda foydalanishni o'z zimmasiga oladi, unda Abonent qutisi mijozga berilgan maqsadlarga mos kelmaydigan hujjatlar yoki buyumlarni saqlamaslik majburiyatini oladi.
- 9.4 Abonent qutisini ijaraga olish uchun to'lov har oy Bank tariflariga muvofiq amalga oshiriladi.
- 9.5 Abonent qutisidan foydalanish uchun javobgarlik Mijozning zimmasida bo'ladi. Bank tomonidan Abonent qutisiga har qanday xat-xabarlarining yetkazib berilishi Mijozning Bank tomonidan bu xat-xabarlar bo'yicha yetarlicha xabardor qilinayotganligini bildiradi.

10. Bank xizmatlari uchun to'lov.

- 10.1 Mijoz Bank Tariflariga muvofiq (va shartnoma(lar)ga muvofiq, qaysiki agarda Bank va Mijoz o'rtasida alohida shartnomalar tuzilgan bo'lsa) Bankka komissiya to'lash majburiyatini oladi.
- 10.2 Agar mijozning topshiriqnomasini/ko'rsatmasini bajarayotganda yoki hisobvaraqlar bo'yicha bank operatsiyasini amalga oshirishda bank komissiyasini to'lash (qoplash) uchun yetarli mablag' bo'lmasa, Bank mijozning topshiriqnomasini/ko'rsatmasini bajarishni rad etish huquqini o'zida saqlab qoladi.
- 10.3 Bank Mijozning hisobvarag'idan komissiya to'lovi miqdoridagi mablag'larni Bankning Tariflariga muvofiq oldindan ogohlantirmasdan va mijozning topshirig'i/ko'rsatmasisiz yechib olish huquqiga ega.
- 10.4 Chet el valyutasidagi hisob-kitob-kassa xizmatlari operatsiyalari uchun to'lov, agar Bank tariflarida boshqacha qoida nazarda tutilgan bo'lmasa, O'zbekiston Respublikasi Markaziy bankining operatsiyalar amalga oshirilgan kundagi kursi bo'yicha milliy valyutada amalga oshiriladi. Mijozning hisobvarag'ida milliy valyutadagi mablag' yetarli bo'lmaganda yoki komissiyani milliy valyutada ushlab turish imkoni bo'lmagan taqdirda, Bank mijozning boshqa valyutadagi hisobvaraqlaridagi komissiya summasini qoplash uchun mablag'larni hisobdan chiqarishga haqli, agar qonun hujjatlarida boshqacha tartib nazarda tutilgan bo'lmasa, O'zbekiston Respublikasi Markaziy bankining operatsiya qilingan kundagi kursi bo'yicha yechiladi, bunda Qonunchilikda boshqacha tartib nazarda tutilgan bo'lishligi mustasno.
- 10.5 Bank komissiyasini to'lash shartlari va tartibi ushbu Shartlar, Bank Tariflari, Shartnomaga qo'shimcha kelishuvlar yoki alohida shartnomalar bilan belgilanadi. Agar komissiya to'lovini to'lash muddati Bank Tariflarida yoki Shartnomaga alohida biriktirilgan/qo'shimcha kelishuvda belgilanmagan bo'lsa, u holda komissiya to'lovi bitim tuzilgan yoki xizmat ko'rsatilgan kuni to'lanishi lozim.
- 10.6 Bank tariflarida belgilangan oylik komissiya to'lovi oyning oxirgi ish kunidan 1 (bir) kun avval avtomatik tarzda yechib olinadi. Shartnoma taqvim oyining 15-kuniga qadar (15-kuni ham kiradi) bekor qilingan taqdirda oylik ish haqi ushlab qolinmaydi. Taqvim oyining 15-kunidan keyin Shartnoma bekor qilinganida esa oylik ish haqi to'liq to'lanishi kerak.
- 10.7 Bank hisobvaraqlardan ko'chirmaga komissiya to'lovlari undirilganligini tasdiqlovchi ma'lumotlarni kiritish majburiyatini oladi.

11. Ichki nazorat.

- 11.1 Davlat ro'yxatidan o'tkazish jarayonida bank hisobvarag'ini masofadan ochishda³ va ro'yxatdan o'tkazuvchi organ (davlat xizmatlari markazlari⁴) Mijozni lozim darajada tekshirish bo'yicha

³ Masofaviy hisobvaraqlar ochish huquqiga ega bo'lgan shaxslarga (masalan, ta'sischilari O'zbekiston Respublikasi rezidentlari bo'lgan yuridik shaxslar va yakka tartibdagi tadbirkorlar) nisbatan qo'llaniladi.

⁴ Tadbirkorlik subyektlarini davlat ro'yxatidan o'tkazish va ro'yxatga olishning avtomatlashtirilgan tizimi.

chora-tadbirlar ko'rganda, Bank mijoz bilan mustaqil ravishda tadbirkorlik munosabatlarini o'rnatishga qaror qiladi. Xatarlar va mijozning o'zining tegishli tekshiruv natijalari asosida.

- 11.2 Bank qonun hujjatlarida va Bankning me'yoriy hujjatlarida belgilangan hollarda, shuningdek, ichki nazorat qoidalariga muvofiq bir tomonlama tartibda Mijozning operatsiyalarini vaqtincha to'xtatib qo'yish yoki Hisobvaraqdagi mablag'larni blokirovka qilish (muzlatish), Mijozga xizmat ko'rsatishni rad etish, Shartnomani bekor qilish huquqiga ega.
- 11.3 Bank xizmat ko'rsatish muddati davomida va muayyan hodisalar/holatlar yuzaga kelgan taqdirda davriy ravishda barcha mijozlarini lozim darajada tekshirish huquqiga ega. Bank, shuningdek, mavjud holatlardan kelib chiqib, Bank qonunlari va me'yoriy hujjatlarida belgilangan tartibda kuchaytirilgan tekshiruv choralarini ko'rish huquqiga ega.
- 11.4 Mijoz Bankning talabiga binoan qonun hujjatlarida nazarda tutilgan funktsiyalarni bajarishi uchun zarur bo'lgan asosli hujjatlarni (ma'lumotlarni), shu jumladan, lozim darajada tekshirish uchun so'ralgan hujjatlar va ma'lumotlarni, shuningdek Hisobvaraq bo'yicha amalga oshirilayotgan operatsiyalarning qonun hujjatlari normalari va ichki nazorat qoidalariga muvofiqligini tekshirish uchun zarur bo'lgan boshqa hujjatlarni (ma'lumotlarni) darhol taqdim etish majburiyatini oladi. Mijoz tomonidan taqdim etilgan hujjatlarning (ma'lumotlarning), shu jumladan Mijoz so'rovnomasidagi (KYC shakli) ma'lumotlarning ishonchliligiga shubha tug'ilsa, u holda Bank Mijozni qaytadan lozim darajada tekshirishdan o'tkazadi.
- 11.5 Agar Mijoz qonun hujjatlari va Bankning normativ hujjatlari talablarini bajarish va ularga rioya qilish, shu jumladan, lozim darajada tekshirishdan o'tkazish maqsadida Bank tomonidan so'ralgan ma'lumotlar va hujjatlarni taqdim etmasa, Bank mijozning topshiriqlarini bajarishni rad etishga haqli.

O'zgartirishlar haqida ma'lumot: Boshqaruvning 2025-yil 17 oktabrdagi IMG/LGD/HO/25/125-sonli Bayonnomasiga binoan Shartlarining 11.6-bandi yangi tahrirda taqdim etilgan (o'zgartirishlar 2025-yil 3 noyabrdan kuchga kiradi).

- 11.6 Agar Mijozga yoxud Mijozning ta'sischilariga yoki Mijozda bevosita yoxud bilvosita mulkdorlik manfaatiga ega bo'lgan yoki Mijoz ustidan muhim nazoratga ega bo'lgan har qanday shaxslarga, yoxud Hisobvaraq bo'yicha bank operatsiyalariga Sanksiyalar joriy etilgan yoki Sanksiyalar joriy etilishi xavfi mavjud bo'lgan taqdirda, Bank:
 - Mijozni Lozim darajada tekshirish jarayonini amalga oshirish uchun Mijozdan qo'shimcha ma'lumotlarni so'rab olish;
 - so'ralgan ma'lumotlar taqdim etilmagunga qadar Hisobvaraq bo'yicha biror-bir operatsiyani amalga oshirmaslik;
 - Hisobvaraq bo'yicha operatsiyalarini qisman yoki to'liq to'xtatib qo'yish (masalan, operatsiyalar hajmini cheklash yoxud Hisobvaraq bo'yicha har qanday bank operatsiyalari amalga oshirilishini va/yoki Hisobvaraq ochilishini rad etish;
 - Mijoz bilan Shartnomani bir tomonlama bekor qilish huquqiga ega.Shuningdek, to'lovlarni amalga oshirish yoki pul mablag'lari va moliyaviy xabarnomalarni yakuniy qabul qiluvchi (benefitsiar)ga o'tkazish jarayoniga Sanksiyalar ro'yxatiga kiritilgan shaxslar yoxud ular bilan affillangan shaxslar (masalan, bank, kontragent, tovarlar, xizmatlar va h.k.) jalb etilgan taqdirda, Bank operatsiya amalga oshirilishini rad etishga haqli.

12. Hisobvaraqni yopish.

- 12.1 Mijoz Bankni oldindan yozma xabardor qilish (kamida 3 (uch) ish kuni avval) sharti bilan Shartnomani bekor qilish huquqiga ega. Bunday xabarnomaning muddatidan kelib chiqqan holda Mijozning barcha to'lov majburiyatlarining muddati tugaydi va ular to'lanishi lozim bo'ladi.
- 12.2 Hisobvaraq Mijozning tashabbusi bilan qonun hujjatlari talablaridan kelib chiqib Bank tomonidan tuziladigan ro'yxat bo'yicha hujjatlarning taqdim etilishi yo'li bilan yopilishi mumkin.

- 12.3 Agar Mijozning Bank oldida joriy yoki muddati o'tgan qarzi bo'lsa, va bunda Mijozning Bankda Hisobvaraqa egalik qilishi tomonlar o'rtasida tuzilgan boshqa shartnoma(lar) doirasida bo'lsa ham, Mijoz bu qarzni to'liq to'lamagunicha Bank Hisobvaraqa yopilishini rad etishga haqlidir.
- 12.4 Shartnoma ushbu Shartlarning 17.3, 17.4, 17.5 - bandlarida nazarda tutilgan hollardagi Mijozni tegishli ravishda xabardor qilish tartibiga rioya qilgan holda Bankning talabiga binoan suddan tashqari bir tomonlama tartibda bekor qilinishi mumkin:
- oxirgi 12 (o'n ikki) oy davomida Hisobvaraqa pul mablag'lari bo'lmaganda va (yoki) undagi mavjud mablag'lar bo'yicha hech qanday operatsiyalar amalga oshirilmaganda. Shu bilan birga, Hisobvaraqdagi mablag'larga band solish, Hisobvaraqa bo'yicha operatsiyalarni to'xtatib turish muddati ushbu muddatga kiritilmaydi;
 - ushbu Shartlarning 11.2, 11.6 va 16.7-bandlarida nazarda tutilgan hollarda;
 - mijoz noto'g'ri yoki haqiqiy bo'lmagan hujjatlar (ma'lumotlar) taqdim etgan bo'lsa;
 - mijoz tomonidan jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurollarini tarqatishni moliyalashtirishga qarshi kurashish to'g'risidagi qonunchilikka muvofiq Mijozning moliyaviy operatsiyasi ishtirokchilarini aniqlash uchun zarur bo'lgan hujjatlarni (ma'lumotlarni) taqdim etmasa, shuningdek Mijoz tomonidan jinoiy faoliyatdan olingan daromadlarni legallashtirish, terrorizmni moliyalashtirish va ommaviy qirg'in qurollarining tarqalishini moliyalashtirishdagi ishtiroki bo'yicha ma'lumot aniqlansa;
 - Mijoz tomonidan ushbu Mijozning AQSH ga tegishli "Xorijiy hisobvaraqlarda soliqqa rioya qilish to'g'risida"gi qonuni (FATCA) ta'siri doirasiga taalluqliligini tekshirish uchun zarur bo'lgan hujjatlar (ma'lumotlar) taqdim etilmasa;
 - agar Mijoz ushbu Shartlarda qayd etilgan majburiyatlarni bajarmasa;
 - qonun hujjatlarida yoki ushbu Shartlarda nazarda tutilgan boshqa hollarda.

Shartnomani bekor qilish Mijozning hisobvarag'ini yopish uchun asos bo'ladi.

- 12.5 Bank Mijozning xo'jalik yurituvchi subyektlarning yagona davlat reyestridan chiqarilishi to'g'risida ma'lumot olgandan so'ng, unga xabar bermasdan, Hisobvaraqa suddan tashqari bir tomonlama yopish huquqiga ega.
- 12.6 Mijoz va Bank biron-bir sababga ko'ra Shartnomani bekor qilgandan so'ng, yuzaga kelgan, lekin Shartnomani bekor qilish vaqtida to'liq bajarilmagan barcha topshiriq va majburiyatlarni to'liq bajarishlari shart. Mijoz, Bankning Mijozga qarshi bo'lishi mumkin bo'lgan barcha da'volarini qoplash talabi bilan chiqish huquqiga ega ekanligiga rozilik bildiradi. Agar qolgan ba'zi majburiyatlarning (masalan, bank kafolati, ochiq akkreditiv va boshqalar) xususiyatiga ko'ra Bankning javobgarligini tugatish mumkin bo'lmasa, Mijoz Bank talabiga binoan tegishli ta'minotni taqdim etishi shart.
- 12.7 Mijoz va Bank o'rtasida mavjud bo'lgan barcha majburiyatlar bajarilganidan so'ng, 3 (uch) ish kuni ichida Mijozning yozma ko'rsatmasi bo'yicha Hisobvaraqdagi qoldiq summa Bankdagi yoki boshqa bankdagi tegishli hisobvaraqa o'tkaziladi yoki agar qonun hujjatlarida ruxsat etilgan bo'lsa naqd to'lab beriladi.

13. Ma'lumotlarni taqdim etish.

- 13.1 Bank Mijoz, uning iqtisodiy faoliyati yoki unga tegishli hisobvaraqa bo'yicha har qanday ma'lumotlarni uchinchi shaxs(lar)ga oshkor qilishi mumkin emas. Qonun hujjatlarida nazarda tutilgan hollar bundan mustasno.
- 13.2 Ma'lumotlarni taqdim qilish qonunchilik tomonidan ruxsat etilgan ayrim hollarda, Bank alohida so'rovlar asosida KDB Bank (Koreya Respublikasi) yoki uning sho'ba banklari va filiallariga mijoz to'g'risidagi ba'zi ma'lumotlarni, shuningdek, mijoz va KDB Bank (Koreya Respublikasi) yoki uning butun dunyo bo'ylab boshqa sho'ba banklari va filiallari o'rtasidagi tranzaksiyalari

to'g'risidagi ma'lumotlarni shu tranzaksiyalarni amalga oshirish maqsadida yoki "KDB Bank O'zbekiston" AJ tomonidan Mijozga ko'rsatilayotgan xizmatlar bilan bog'liq boshqa maqsadlarda taqdim qiladi.

- 13.3 Ushbu Shartlar orqali Mijoz, Bankning FSC, FSS of Korea, O'zbekiston Respublikasi Markaziy banki singari regulyatorlar va mahalliy tartibga solib turuvchi organlar tomonidan tartibga solib turiluvchi, o'zining bo'linmalari va tegishli kompaniyalari/banklariga ega bo'lgan KDB Bank tarmog'ining bir qismi sifatida turli pul yuvish va jinoiy faoliyatdan, terrorizmni moliyalashtirishdan, ommaviy qirg'in qurollarini tarqatishni moliyalashtirishdan, firibgarlikdan, korruptsiyadan va boshqalardan olingan. Bank siyosati va standartlari Bank obro'sini saqlash va himoya qilishga, shuningdek, jamiyat va Mijozlarning Bankga bo'lgan ishonchiga hech qanday tarzda putur yetkazmaslikka qaratilgan. Shu sababli Bank o'zi tomonidan bajariladigan har qanday to'lovlarga nisbatan mavjud holatlardan kelib chiqib o'z talablarini o'rnatadi. Biror bir to'lovning mazkur belgilangan talablarga muvofiq emasligi aniqlangan vaziyatlarda Bank to'lov bo'yicha qo'shimcha hujjatlar talab qilishi, shuningdek, bu to'lovlarni o'tkazishni rad etishi mumkin.
- 13.4 Mijoz, agar amalga oshirilayotgan operatsiyalar va to'lov hujjatlari bo'yicha g'ayrioddiylik kuzatilsa yoki asosli shubha-gumonlar paydo bo'lsa, shuningdek, jinoiy faoliyatdan olingan daromadni legallashtirish, terrorizmni moliyalashtirish, firibgarlik, korruptsiya va h.k. xavfli faoliyatlarning oldini olish maqsadida KDB Bank tarmog'i yoki vakolatli davlat organlari tomonidan shunday operatsiyalar va to'lov hujjatlari bo'yicha so'ralgan qo'shimcha ma'lumotlarni zudlik bilan so'zsiz taqdim etishga roziligini bildiradi.

14. Fors-major holatlari.

- 14.1 Tomonlar ularning nazoratidan tashqarida bo'lgan Fors-major holatlari natijasida amalga oshirilmay qolgan yoki chala amalga oshirilgan majburiyatlari uchun javobgar bo'lmaydilar. Fors-major holatlari bu tomonlarning Shartnomadagi majburiyatlarini bajarishiga bevosita ta'sir qiladigan, paydo bo'lishini oldindan bilish va bartaraf etish imkoniyati bo'lmaydigan turli holatlar bo'lib, ular jumlasigayong'inlar, suv toshqinlari, zilzilalar va boshqa tabiiy ofatlar, shuningdek urush, harbiy harakatlar, ish tashlashlar, baxtsiz hodisalar, elektr energiyasini yetkazib berishdagi uzilishlar, hukumat farmonlari va qarorlari bilan faoliyatni amalga oshirishning man etilishi, O'zbekiston Respublikasi bank tizimining ishlamay qolishi natijasida to'lovlarni amalga oshira olmaslik, hisob-kitoblarning banklararo to'lov tizimining ishlamay qolishi hamda avtomatlashtirilgan hisob-kitoblar tizimidagi uzilishlar va boshqa turli hodisa va holatlar kiradi.
- 14.2 Fors-major holatlariga duch kelgan va natijada Shartnoma bo'yicha o'z majburiyatlarini bajara olmaydigan Tomon boshqa Tomonni bunday holatlar yuzaga kelgan paytdan boshlab 5 (besh) ish kunidan kechiktirmagan holda yozma ravishda, sodir bo'lgan bu holatlar vakolatli organ tomonidan tasdiqlangan holda xabardor qilishi shart.
- 14.3 Fors-major holati to'g'risida o'z vaqtida xabar bermaslik Tomonni keyinchalik bunday holatdan asos sifatida foydalana olmasligini bildiradi. Bank va Mijoz tomonidan Shartnoma bo'yicha majburiyatlarning bajarilishi fors-major holatlari davomida to'xtatiladi va bu holatlar yakunlangandan so'ng darhol qayta tiklanadi.

15. Tomonlarning javobgarligi.

- 15.1 Tomonlar Shartnoma bo'yicha o'z majburiyatlarini lozim darajada bajarmaganliklari uchun qonun hujjatlariga muvofiq javobgar bo'ladilar.
- 15.2 Bank Mijozning to'lov topshiriqlarini bajarmaganligi, lozim darajada bajarmaganligi, yoki o'z vaqtida bajarmaganligi uchun Qonun hujjatlari va ushbu Shartlarga muvofiq javobgar bo'ladi.

- 15.3 Bank Mijoz tomonidan hisobvaraqa qo'yilgan pul mablag'larining to'liq saqlanishi uchun javobgardir.
- 15.4 Bank Mijoz tomonidan hisobvaraqa ochish uchun taqdim etilgan hujjatlarning haqiqiyliги va ishonchliligi, shuningdek, to'lov yo'riqnomalarini to'ldirishda Mijoz tomonidan qayd qilingan ma'lumotlarning to'g'riligi va ishonchliligi uchun javobgar emas.
- 15.5 Mijoz tomonidan Bank kassasidan tashqarida va uning vakillarisiz naqd pulni qayta hisoblash natijasida yetishmovchilik aniqlangan taqdirda, Bank bu yetishmovchilik yoki yetishmovchilikni qoplash bo'yicha javobgar bo'lmaydi.
- 15.6 Bank quyidagi holatlar natijasida yuzaga kelgan to'lov topshiriqlarini bajarmaganlik, lozim bo'lmagan darajada bajarganlik yoki o'z vaqtida bajarmaganlik uchun javobgar emas:
- mijoz tomonidan to'lov yo'riqnomalarining noto'g'ri rekvizitlar bilan to'ldirilishi;
 - hisob-kitoblarda ishtirok etuvchi boshqa banklar va avtomatlashtirilgan hisob-kitob tizimlari tomonidan Mijozning to'lov yo'riqnomalarini lozim darajada bajarmaganligi va buzib ko'rsatganligi;
 - Bank tomonidan qo'llaniladigan texnik tizimlarning bank aybisiz sodir bo'lgan buzilishlar yoki nosozliklari;
 - qonun hujjatlarida nazarda tutilgan boshqa hollarda.
- 15.7 Bank Mijozdan olingan to'lov yo'riqnomalarini tekshirish bo'yicha hech qanday majburiyatni o'z zimmasiga olmaydi, ularning haqiqiyliğini tekshirish, to'g'ri rasmiylashtirilganligi va zarur rekvizitlarni qonun hujjatlari talablariga muvofiq to'ldirilganligi bundan mustasno, agar Qonun hujjatlarida nazarda tutilgan boshqa qoidalar nazarda tutilgan bo'lmasa.
- 15.8 Mijozning imzo namunalari kartasida ko'rsatilgan shaxslarning vakolati ma'lum bir sabablarga ko'ra tugatilgan yoki o'zgartirilgan bo'lsa, lekin bu haqda Bank Mijoz tomonidan o'z vaqtida xabardor qilinmagan bo'lsa, bunday holatda Mijozning joriy imzo namunalari kartasiga kiritilgan shaxslar tomonidan imzolangan topshiriqlari bajarilishi yuzasidan Bank javobgar bo'lmaydi.
- 15.9 Bank Mijozning imzo namunalari kartasiga kiritilgan vakolatli shaxslari tomonidan imzolangan topshiriqlarni bajarish natijasida yuzaga kelgan zararlar uchun Mijoz oldida javobgar bo'lmaydi, holbuki keyinchalik bu shaxslarning vakolatlari yoki ularni tayinlanishi (saylanishi) haqiqiy emas deb topilsa ham
- 15.10 Mijoz topshiriqlarning haqiqiyliги, undagi ma'lumotlarning to'g'riligi va Bankka o'z vaqtida taqdim etilishi uchun javobgardir.
O'zgartirishlar haqida ma'lumot: Boshqaruvning 2025-yil 03 fevraldagi IMG/LGD/HO/25/18-sonli Bayonnomasiga binoan Shartlarining 15.11-bandi yangi tahrirda taqdim etilgan (o'zgartirishlar 2025-yil 18 fevraldan kuchga kiradi).
O'zgartirishlar haqida ma'lumot: Boshqaruvning 2026-yil 01 maydagi IMG/LGD/HO/26/66 -sonli Bayonnomasiga binoan Shartlarining 15.11-bandiga ⁵ havola yangi tahrirda taqdim etilgan (o'zgartirishlar 2026-yil 11 maydan kuchga kiradi).
- 15.11 Mijoz Bank tomonidan mijozni lozim darajada tekshirish hamda tashqi savdo operatsiyalari (shu jumladan xorijda ochilgan bank hisobvaraqlari orqali amalga oshirilayotgan tashqi savdo shartnomalari doirasidagi operatsiyalari⁵) monitoring funksiyasini amalga oshirishi uchun Bank tomonidan zarur bo'ladigan va talab qilinadigan ishonchli ma'lumotlarni o'z vaqtida taqdim etish uchun javobgardir.

⁵ "Tashqi savdo operatsiyalarini monitoring qilish va nazorat qilish tartibi to'g'risida"gi Nizomga (O'zbekiston Respublikasi Vazirlar Mahkamasining 2020-yil 14-maydagi 283-son qaroriga ilova) muvofiq, tijorat banklari tashqi savdo operatsiyalari bo'yicha valyuta mablag'larining harakati to'g'risidagi ma'lumotlarni "E-konrakt" tashqi savdo axborot tizimiga onlayn kiritadilar. Biroq, rezident yuridik shaxslar tomonidan xorijdagi hisob raqamlaridan amalga oshirilgan to'lovlar bo'yicha ma'lumotlar tijorat banklari tomonidan faqat Mijoz tomonidan tegishli ma'lumot taqdim etilganidan so'ng "E-konrakt" tizimiga kiritiladi.

15.12 Mijoz moliyaviy hujjatlarni imzolash huquqiga ega bo'lgan shaxslarning vakolatlarini tasdiqlovchi hujjatlardagi ma'lumotlarning o'z vaqtida taqdim etilishi va to'g'riligi uchun javobgardir.

O'zgartirishlar haqida ma'lumot: Boshqaruvning 2025-yil 03 fevraldagi IMG/LGD/HO/25/18-sonli Bayonnomasiga binoan Shartlarining 15-bo'limi 15.13-bandi bilan toldirilgan (o'zgartirishlar 2025-yil 18 fevraldan kuchga kiradi).

15.13 Mijoz tomonidan tashqi savdo operatsiyalarini monitoring qilish va TSOYEAT tizimiga mablag'lar harakati yuzasidan ma'lumot kiritish bilan bog'liq majburiyatlar bajarilmaganligi oqibatida bankka nisbatan amaldagi qonun hujjatlari talablariga muvofiq qo'llanilgan jarimalarni Bank Mijozdan akseptsiz, so'zsiz va qaytarib berilmaydigan tarzda undirishga haqli.

16. Korruptsiyaga qarshi kurash qoidalari.

16.1 Shartnoma bo'yicha o'z majburiyatlarini bajarishda Tomonlar, ularning filiallari, xodimlari yoki vositachilari: bevosita yoki bilvosita pora berish / olish, tijoriy ta'magirlik, mansabini suiiste'mol qilish, shuningdek qonun hujjatlari, xalqaro huquq normalari va jinoyatlardan olingan daromadlarni legallashtirishga, terrorizmni moliyalashtirishga va ommaviy qirg'in qurollarini tarqatishni moliyalashtirishga qarshi kurashish to'g'risidagi xalqaro shartnomalar talablarini buzilishiga olib keladigan harakatlarni amalga oshirish kabilar nafaqat Shartnoma ishtirokchilari o'rtasidagi aloqalarda, balki uchinchi shaxslar va davlat organlari bilan aloqalarda ham qat'iyani taqiqlanadi. Tomonlar, shuningdek, ushbu talabni o'zlarining affillangan (manfaatdor) shaxslariga, xodimlariga, vakolatli vakillariga va vositachilarga yetkazish majburiyatini oladilar.

16.2 Tomonlar Shartnoma tuzilgunga qadar Shartnoma bilan bog'liq har qanday ish munosabatlarini o'rnatish va (yoki) kengaytirish maqsadida ishtirok etuvchi boshqa tomon(lar)ga hech qanday moddiy/nomoddiy rag'batlar, manfaatlar, mukofotlar yoki shunga o'xshash takliflar bermaganligini, ya'ni moliyaviy mukofotlar, mol-mulk, mulkka bo'lgan huquqlarni taklif qilmagan, va'da qilmagan, taqdim etmagan bo'lishi, bu bo'yicha harakatlar qilmaganligini, shuningdek, talab ham qilmaganligini ifodalaydi va kafolatlaydi.

16.3 Har bir Tomon o'z pudratchilari, maslahatchilari, agentlari va Shartnoma bo'yicha uning nomidan ish yurituvchi boshqa shaxslarning O'zbekiston Respublikasi tomonidan ratifikatsiya qilingan xalqaro hujjatlarning korruptsiyaga qarshi kurash normalariga va O'zbekiston Respublikasining amaldagi qonunchiligiga rioya qilishlarini ta'minlashi shart.

16.4 Shartnomada har bir Tomon boshqa Tomon xodimlarini/vakillarini ularning mustaqilligini cheklashga, qaramlikka olib keladigan, ma'lum bir ishlarni amalga oshirish uchun harakatlar boshlashiga undaydigan har qanday yo'l bilan, shu jumladan pul, sovg'alar, o'z sohasi bo'yicha ishlarni (xizmatlarni) bepul bajarish va ushbu bandda ko'rsatilmagan boshqa usullar bilan rag'batlantirishni rad etadi. Xodimning rag'batlantiruvchi tomon/mijoz foydasiga amalga oshiradigan harakatlari sifatida quyidagilar tushuniladi:

a) boshqa kontragentlarga nisbatan asossiz ustunliklar berish;

b) har qanday kafolatlar berish;

c) mavjud tartiblarni tezlashtirish;

d) xodim tomonidan o'z xizmat vazifalari doirasida amalga oshirilgan, lekin Tomonlar o'rtasidagi munosabatlarning shaffofligi va ochiqligi tamoyillariga zid bo'lgan boshqa harakatlar.

16.5 Agar ma'lum bir Tomon Shartlarning ushbu bo'limi bo'yicha har qanday majburiyatlarning buzilishi sodir bo'lgan yoki sodir bo'lishi mumkin deb hisoblash uchun asosga ega bo'lsa, bu Tomon boshqa Tomonni ushbu Shartlarning 17.3, 17.4, 17.5-bandlarida nazarda tutilgan tartibda darhol yozma ravishda xabardor qilishga majburdir. Yozma bildirishnomada Tomon boshqa Tomonga, uning affillangan (manfaatdor) shaxslari, xodimlari, vakolatli shaxslari yoki vositachilari tomonidan korruptsiyaga qarshi qonunlarning buzilishi sodir bo'lganligini yoki sodir

bo'lishi mumkinligini tasdiqlovchi faktlarni yoki shubhalanishga yetarlicha asos bo'ladigan materiallarni ilova qilgan holda taqdim etishi shart.

- 16.6 Shartlarning ushbu bo'limi bo'yicha har qanday qoida(lar) buzilganligi to'g'risidagi bildirishnoma olgan Tomon bildirishnomani o'rganib chiqishi va o'rganish natijalari to'g'risida yuboruvchi Tomonni bildirishnoma olingan kundan boshlab 10 (o'n) ish kuni ichida ma'lumot berishi shart.
- 16.7 Tomonlar Konfidensiallik tamoyillariga rioya qilgan holda Shartlarning ushbu bo'limida qayd etilgan qoidalarining buzilishi faktlari bo'yicha lozim darajada hal qilish ishlarini amalga oshirishi va keyinchalik yuzaga kelishi mumkin bo'lgan ziddiyatli vaziyatlarning oldini olish uchun samarali choralarni qo'llashni kafolatlaydi. Tomonlar bunda bildirishnoma yuborgan Tomon uchun ham, bu Tomonning qonunbuzarliklar haqida xabar qilgan alohida xodimlari uchun ham salbiy oqibatlar bo'lmasligini kafolatlaydi. Tomonlardan biri tomonidan Shartlarning ushbu bo'limi qoidalari buzilganligi fakti tasdiqlangan taqdirda, boshqa Tomon Shartnoma bekor qilinadigan sanadan kamida 10 (o'n) kalendar kuni avval yozma xabarnoma yuborish orqali Shartnomani suddan tashqari bir tomonlama tartibda bekor qilishga haqli.

17. Boshqa holatlar.

- 17.1 Ushbu Shartlar bo'yicha talab qilinadigan barcha bildirishnomalar yozma ravishda o'zbek, rus yoki ingliz tillarida taqdim qilinadi.
- 17.2 Mijoz tomonidan Bankni xabardor qilish quyidagi usullardan biri orqali amalga oshirilishi mumkin:
- 1) Shaxsan topshirish va qabul qilinganligi to'g'risida imzolangan tasdiqnoma olish;
 - 2) pochta xizmati orqali yetkazib berish;
 - 3) agar Bank va Mijoz o'rtasida alohida kelishuv mavjud bo'lsa, elektron pochta yoki uyali aloqa ("SMS" qisqa xabarlar xizmati) yordamida bildirishnoma yuborish;
- 17.3 Bank Mijozni quyidagi usullardan biri orqali xabardor qilishi mumkin:
- 1) e'lonni rasmiy veb-saytda, Bank binosidagi "Ma'lumot" taxtasida va "Internet Banking iDBA" tizimida ("Yangiliklar" bo'limida) joylashtirish.
 - 2) agar Bank va Mijoz o'rtasida alohida kelishuv mavjud bo'lsa, elektron pochta orqali, shuningdek uyali aloqa ("SMS" qisqa xabarlar xizmati) yordamida bildirishnoma yuborish;
 - 3) agar Bank va Mijoz o'rtasida alohida kelishuv mavjud bo'lsa, mijoz tomonidan Bankdan ijaraga olingan pochta qutisiga xabarni joylashtirish;
 - 4) shaxsan topshirish va qabul qilinganligi to'g'risida imzolangan tasdiqnoma olish;
 - 5) pochta xizmati orqali yetkazib berish.
- 17.4 Ushbu Shartlarning 17.3-bandiga muvofiq berilgan barcha bildirishnomalar qabul qilingan hisoblanadi:
- a) rasmiy veb-saytda, Bank binosida va "Internet Banking iDBA" tizimida e'lon qilinganda – e'lon qilingan kunida;
 - b) elektron pochta orqali, SMS shaklda yuborilgan taqdirda – jo'natilgan kunida;
 - c) shaxsan yoki pochta xizmati orqali topshirilganda – qabul qilingan kunda.
- 17.5 Xabarnomalar Shartnomada ko'rsatilgan Bank va Mijoz manziliga yuboriladi. Tomonlar manzillar, telefon raqamlari va boshqa muhim ma'lumotlar o'zgarganligi to'g'risida bunday o'zgarishlardan keyin 10 (o'n) kalendar kunidan kechiktirmagan holda bir-birlarini yozma ravishda xabardor qilish majburiyatini oladilar. Har qanday o'zgartirishlar Mijozdan yozma xabarnoma / bildirishnoma olgandan keyingina Bank uchun qonuniy kuchga ega bo'ladi. Bank o'z xohishiga ko'ra Mijozdan mavjud o'zgarishlar bo'yicha bildirishnoma talab qilishi mumkin, bu holatda Mijoz bunday o'zgarishlar bo'yicha yozma ma'lumotlarni Bankka taqdim etish majburiyatini oladi.

- 17.6 Ta'sis hujjatlariga va (yoki) davlat ro'yxatidan o'tkazilganligi to'g'risidagi guvohnomaga o'zgartirish va qo'shimchalar kiritilgan taqdirda, Mijoz zudlik bilan Bankka bu bo'yicha yangi hujjatlarning nusxalarini taqdim etish majburiyatini oladi.
- 17.7 Agar Shartnoma tuzilganidan so'ng va uning bekor qilinishidan avval, Tomonlar uchun Shartnoma tuzish paytida amalda bo'lganlardan tashqari majburiy bo'lgan qoidalarni belgilovchi Qonun hujjatlari qabul qilingan bo'lsa, ushbu Shartlar qabul qilingan Qonun hujjatlari bilan muvofiqlashtirilishi kerak. Bunda Qonun hujjatlarida boshqacha tartib nazarda tutilgan bo'lsa mustasno.
- 17.8 Mijoz va uchinchi shaxslar o'rtasidagi nizolardan kelib chiqadigan har qanday protsessual harakatlar bilan bog'liq sudda yoki tinch yo'l bilan kelishuv bo'yicha Bankka qo'yilgan yoki qo'yilishi mumkin bo'lgan harajatlar Mijozning hisobidan to'lanadi, bunda qonun hujjatlarida nazarda tutilgan hollar mustasno. Bundan tashqari, Bankning Mijoz bilan bo'lgan munosabatlaridan kelib chiqqan, Tariflarda aniq ko'rsatilmagan barcha boshqa sarf va xarajatlar Mijozga schyot-faktura shaklida taqdim etiladi. Mijoz bunday schyot-faktura(lar)ni darhol to'lashi kerak.
- 17.9 Ushbu Shartlar Bank tomonidan o'zbek, rus va ingliz tillarida tuzilgan va har bir tildagi versiyaning mazmunan haqiqiyliги va birxilligi imkon qadar ta'minlangan. Agar ular o'rtasida nomuvofiqliklar mavjud bo'lsa yoki aniqlansa, ingliz tilidagi versiya ustunlik qiladi.
O'zgartirishlar haqida ma'lumot: Boshqaruvning 2025-yil 17 oktabrdagi IMG/LGD/HO/25/125-sonli Bayonnomasiga binoan Shartlarining 17-bo'limi 17.10-bandi bilan toldirilgan (o'zgartirishlar 2025-yil 3 noyabrdan kuchga kiradi).
- 17.10 Mijozning Hisobvarag'idagi mablag'lar O'zbekiston Respublikasining 18.02.2025 yildagi "Banklardagi omonatlarni himoya qilish kafolatlari to'g'risida" O'RQ-1031-son Qonuniga muvofiq kafolatlash obyekti hisoblanadi. Kafolatlash hodisasi yuz bergan taqdirda, maxsus vakolatli davlat organi tomonidan kafolatlangan kompensatsiyaning umumiy miqdori kafolatlanish obyektlarining hajmi, miqdori va valyutasidan qat'i nazar 200,000,000.00 (ikki yuz million) so'mdan oshmaydi. Mijozning Qonun kuchga kirgan sanadan oldin qo'yilgan Hisobvarag'idagi mablag'lar kafolatlanish obyektlarining miqdori va valyutasidan qat'i nazar to'liq hajmda kafolatlanadi.

18. Bank manzili va rekvizitlari.

- 18.1 Bosh ofis "KDB Bank O'zbekiston" AJ
Manzil: O'zbekiston Respublikasi, 100047, Toshkent sh., Buxoro k., 3-uy
Telefon: (+998 78) 120-80-00
E-mail info@kdb.uz
STIR: 202167236
MFO: 00842
SWIFT kodi: KODBUZ22
- 18.2 "KDB Bank O'zbekiston" AJ, Oybek filiali
Manzil: O'zbekiston Respublikasi, 100015, Toshkent sh., Oybek k., 32-uy
Telefon: (+998 78) 140-06-30
E-mail info@kdb.uz
STIR: 207045749
MFO: 01065
SWIFT kodi: KODBUZ22